

Powšitkowne WOZJEWJENJA

njedźelu, 5. meje 2013

TCM přeprošuje na nyšpor do Róžanta

Na wosebity nyšpor tutu njedźelu, 5. meje, w 17.00 hodź. přeprošuje Towarstwo Cyrila a Metoda (TCM) wšitkich wěriwych do hnadowneje cyrkwy w Róžeńće. Wotrowski cyrkwinski chór jón wobrubu.

Putnikowanje staršich a chorych ludźi do Róžanta

Putnikowanje staršich a chorych ludźi ze serbskich wosadow do Róžanta budže sobotu, 11. meje. Wot 13 hodź. je přiležnosć k swjatej spowědźi pola fararjow Gerata Warnarja a Michała Andersa. Modlenje swjateho rózowca započnje so w 13.30 hodź. Rózowcej přizamknje so w 14 hodź. Boža mša, kotruž změje farar Warnar. Na njej wudźěli so tym, kotřiž sej to přeja, žalbowanje chorych. Po kemšach poskići so swačina.

Džakna Boža mša wohnjowych wobornikow

Wohnjowe wobory zarjadniskeho zwjazka „Při Klóšterskej wodže“ změja džaknu Božu mšu pjatk, 10. meje, w 19 hodź. w Róžeńčanskej swjatnicy. Wšitcy wobornicy a hosćo su wutrobnje přeprošeni.

Smječkečenjo putnikuja

Wutrobnje přeprošamy wšitkich, kotřiž so ze Smječkecami zwjazani čuja, njedźelu, 12. meje, na putnikowanje do Róžanta. Boža mša je w 9 hodź. Procesion woteńdže w 7.45 hodź. při wjesnym swjatym křížu.

W. Brězan

Canki, somot, parlički

Wosebita wustajeńca na temu „Canki, somot, parlički – Pycha narodneje drasty Serbow“ wotewrje so njedźelu, 12. meje, w 15 hodź. w Budyskim Serbskim muzeju. Wšitcy su wutrobnje přeprošeni.

Misionske předowanja

CDje z předowanjami lětušeho wosadneho misiona w Radworskej wosadze su hotowe. Štóž je sej je skazał, móže sej CDje na Radworskej farje wotewzać.

Putniskej jězbje do Heiligenstadta a Korutanskeje

Lětušej putniskej jězbje z Tereziju Kubašec powjedzetej putnikow do Eichsfelda a Korutanskeje (Kärnten). Prěnja budže wot pónđzele do srjedy, 3. do 5. junija. Přenocowanje je w Heiligenstadće planowane. W nazymskich prózdnicach je tydženska putniska jězba do Tinje w Korutanskej předwidžana, a to wot soboty do soboty, 19. do 26. oktobra. Dalše informacije poda a přizjewjenja přijimuje Terezija Kubašec w Radworju, telefonowe čisło (03 59 35) 2 04 25.

Sobota k wodychnjenju a wotpočnjenju

W Domje Wysoke duby w Drježdžanach wotměje so sobotu, 8. junija, zaso tak mjenowany Studnjowy dzeń. Na tutym dnju je kóždy witany, kotryž by chcył trochu wotpočnyć a zdobom nowe duchowne impulsy dóstać. Studnjowy dzeń započnje so w 10 hodź. a traje hač do 16.30 hodź. Přizjewjenje njeje trěbne. Kóždy měł sej něšto k jědźi a piću sobu přinjesć. Nawod změja pater Petrus Köst, Daniela Herzberg a Maria Seitz. Poskićeja so přednoški, bibliske rozpominanja a wopyt Božeje mše.